

Maata atu i te moni: Mana Tiaki Turoto

No atu e eaa ta tatou ka kapiki me ko te teretere tinamou, te turoto akono meitakiia, me kore ngutuare tapae tau meitaki, aiteite ua te tapao: ka anoanoia te pae turoto kia akaoki i te puapinga ki to tatou pa enua ma to tatou iti tangata kia puapinga ia atu rai to tatou parataito. Let us care and cherish our paradise, for the future.

Turanga meitaki ki rungao i te tare maata

Ko te nuti mataoara ko to tatou puapinga e te Mana Tiaki te tupu kapipiti nei. I te numero turoto e maata mai nei ka anoano katoaia te teretereanga tinamou ma te akono meitakiia, ei ravenga i te tōtō mai i te au turoto puapingaia i to te tare numero ua. Ko tatou, ka rauka i te akatu i te pae turoto kia inangaroia e te marekaia e te au turoto e ma te tauturu katoa i to tatou iti tangata, ta tatou peu, e ma te akarangatira tu i to tatou au enua.

Au Angaanga tikai, e te arapakianga tau

Ko te turanga akaouanga Inangaro I to Tatou Parataito te akaari mai nei i te takainga ou ta Te Mato Manava Turoto o te Kuki Airani e akatinamou nei ki te Mana Tiaki e ma te tauturu kia rauka te turanga matutu no te pae turoto. E mataara maata tei aereia mai e tatou, e maata ua atu rai ta tatou angaanga ka anoanoia kia rave. Ko teia i reira ta tatou au tuatua ka akaariia mai na roto i te angaanga:

*Akatinamou papu i to tatou turanga makete:

Te atokotoko marie nei tatou e ka akapeea i te akakite pu i te Kuki Airani, ma te tamou ua atu rai ki te au apinga i puapingaia ai tatou e ma te tōtō mai i te au turotu tau meitaki e te puapingaia.

*Turanga Turoto Akarakaraia:

Kua patana atu tatou ki te Konitara Tinamou o te Pae Turoto o Teiane Ai e vai tatou mei te aa ra to tatou turanga no te au peu i te pae turoto.

*Tutu no te Turanga Nooanga

Te angaanga kapiti nei matou ma te au kopapa angaanga o te pae turoto kia anga i tetai turanga tinamouia e ka akapeea tatou i te akarakara atu no runga i te turanga noo no te au taeake e turoto mai nei ia tatou.

*Apiianga no te au turoto:

Te tauta pakari nei matou i te apii i te au manuii e ka akapeea i Te Inangaro i to Tatou Parataito na roto i te akangateiteianga i ta tatou au peu, akaiti mai i te au arapakianga kia rauka te turanga meitaki.

*Te Angaanga Kapiti e te Patanaanga:

Te angaanga kapiti nei matou ki te au ona pitinitii, au kopapa kavamani, NGOs, e te au putuputuanga iti tangata no tetai puakatau kia angaanga kapipiti ki te au turoto.

*Au terenianga ei akameitaki atu:

Te tauturu nei matou i te au tuanga o te pae turoto ki te au tikaanga no te akameitaki atu e ma te takave atu i te Mana Tiaki, kia riro ei turanga papu i roto nei i te Kuki Airani.

*Kaveinga Akono Meitaki i te Patireia:

Te anga nei matou i tetai kaveinga arataki kia rauka ia tatou i te apai i te turanga Mana Tiaki ei tuanga angaanga kiteaia.

Apaianga na Tatou Katoatoa

I a matou e arataki nei, ka akapapu matou e ko te pae turoto kia tamou ua atu rai i te apai mai i te puapinga e te meitaki no te pa enua, to tatou iti tangata, e apaianga na tatou katoatoa. Ko teia tere ka anoanoia tatou katoatoa, te pae turoto, te iti tangata, te au kopapa kavamani, NGOs, ma te au manuii. Ka angaanga kapipiti tatou kia rauka teia turanga meitaki i takake ei te Kuki Airani mei tetai pae atu.

ME KUA ANOANO KOE KIA KITE KOE

NENEI MAI IAKU!



www.linktr.ee/cookislands